



საქართველოს ეროვნული დემოკრატიული პარტია

რედაქცია

საგანგებო მასალა უნდა იყოს დაწერილი გარკვეულად და კრთ გვერდზე. წერილში აღნიშნული უნდა იყოს ავტორის იმედი და მისამართი, დაუბეჭდავ წერილებს რედაქცია არ ინახავს. ინახება მხოლოდ დიდი მოთხოვნები. რედაქცია ღიაა: დილის 9-11 საათამდე და საღამოს 5-7 საათამდე. მისამართი: ქუთაისი, თეფისის ქ., ფიხანის სახლი.

კანტორა

გაზეთის ფასი: ერთი თვით 50 მან. 3 თვით 120 მ. განცხადების ფასი: სტრიქონი პეტიტისა პირველ გვერდზე 2 მ. უკანასკნელზე 1 მ. 50 კ. ქალაქ გარედან მიღებული განცხადება ღირს ერთი ორად. სამგლოვიარო განცხადება: საშუალო ხომისა თითოჯერ არა უმეტეს სამი გამოცხადებისა 50 მ., 12 საათის შემდეგ 70 მ. კანტორა ღიაა: დილის 8-12 საათამდე და საღამოს 5-7 საათამდე. ფოსტის ადრესი: ქუთაისი ფოსტის ყუთი № 80.

მწუხარებასა შინა მყოფნი: ანდიფო ივანეს ასული მე რაშივილისა, ასულნი: ყოლია ბურჯანაძისა, მარუსია, ლიუდა და გოგუცა, დედა სოფიო იესეს ასული, ძმები: ბესარიონ სიმონ, ბეგლარ, კონსტანტინე, ასლან და ვლადიმერ, ძმლები: მარიამ, ფეოდასინე, ოლდა, ნინა, მარუსია და ლიდა ჰელაშვილები, სძე: კაპიტონ კონსტანტინეს ძე ბურჯანაძე, გულისადა მწუხარებით აუწყებენ ნათესავთა და ნაცნობთა, რომ შემდეგ ხანგრძლივი ავთომყოფობისა გარდაიცვალა პირველის მეუღლე, მეოთხეს მამა, მესამეს შვილი, მეოთხენის ძმა, მეხუთენის მამა და მეექვსეს სიმეფრე

ერმინე ოქროპირის ძე ქელაშვილი
რომლის დაკრძალვა მოხდება 15 ამა ნოემბერს (ახალი სტილით) დღით შაბათს სოფელ ობჩაში, უმორჩილესა და გთხოვს რათა მობრძანდეთ დანიშნულ დღეს და ანუგეშოთ ქირისუფალი გარდაცვალებულისა. 2-1

13 ამა ნოემბერს, დილის 10 საათზე, გადაიცვალა ქ ქუთაისში ხანგრძლივი ავთომყოფობის შემდეგ

დავით ნიკოლოზის ძე

აბდუშელიძე

რასაც უღრმესი მწუხარებით აუწყებენ ნათესავთ, მეგობართა და ნაცნობი მეუღლე გადაცვალეზულისა ეკატერინე თეიმურაზის ასული აბდუშელიძისა, ქალიშვილები ანასტასია ვირსალაძისა, თამარა დემიდოვისა, ნინა მამრადსა და ელისაბედ (ფუცა) აბდუშელიძისა და სძეებ ბ სპირიდონ სვიმონის ძე ვირსალაძე, ვასილ ალექსანდრეს ძე დემიდოვი და პეტრე გრიგოლის ძე მამრადე. პანაშვიდი ყოველ დღე საღამოს ხუთ საათზე, საკუთარ სახლში, რესპუბლიკის (ოლდენბურგის) ქუჩაზე. დაკრძალვა მოხდება 18 ნოემბერს დღით სამშაბათს ნაშუადღევს სამ საათზე საფარხანის სასაფლაოზე. 2-1

საისტორიო და საეთნოგრაფიო საზოგადოების გამგეობა აუწყებს საზოგადოებას, რომ კვირას 16 ნოემბერს დღით 10 საათზე ბაგრატის ტაძრის გვერდით არსებულ ყოფილ საკათედრო ტაძარში შესრულდება წირვა და პანაშვიდი განსვენებულის ამა საზოგადოების საპატიო წევრის ცნობილი საზოგადო მოღვაწის

კირილე ბეჟანის ძე ლორთქიფანიძის

გარდაცვალებიდან ნახევარი წლის შესრულების გამო.

თავისუფალი ხელკვანი, რომელმაც დაამთავრა ჰეტერბურგის კონსერვატორია
პროფესორ კუსკოვოს — სტანისლავსკის ხელმძღვანელობით, აძლევს მუსიკის (როიალზე) გაკვეთილებს.
მისამართი: ბაღის ქუჩა სახლი მესროპოვისა ნაკაშიძე. 5-4

მაქვს საკანტორო ტანადანოვო კარგიალაგი
ქალ ბათომში, სადაც შეიძლება ფართო აღებ მიცემობის გახსნა. ამისათვის ვეძებ გამოცდილ ამხანაგს არა ნაკლებ 200,000 მანეთისა თანხით. მოლაპარაკება შეიძლება კვირას 12-2 საათამდე სასტუმრო „ერმიტაჟის“ კანტორაში და შემდეგ ბათომშივე სადგურის პირდაპირ, რესტორან 1-1. „გრუზიაში“. დათიკო თევზაძე.

კვირას 16 ნოემბერს ნაშუადღევს 5 საათზე გაბრიელის სახელობის ქალთა გიმნაზიაში დანიშნულია ამავე გიმნაზიაში **მოსწავლეთა მშობლების კრება**
მშობელთა წრის დასაარსებლათ. ეს კრება არის **შესამე და უკანასკნელი,** ამიტომ ყველა მშობლებს ესთხოვთ უსათუოდ დაესწრონ. 2-2 გიმნაზიის დირექტორი ბრ. ჯაფარიძე.

დაკარგე ბათუმიდან — ნატა ტანებამდე უბნის სახლზე დოკუმენტები სამი პასპორტი: 1) ადგილობრივი, 2) საზღვარგარეთელი 3) ბათუმში მყოფ ჩვენი ელჩის მიერ მოცემული; 4) ფულის გატანის ნებართვა საზღვარგარეთ და სამხედრო განთავისუფლების ბილეთი თავის სურათით ყოველ შემთხვევაში აღნიშნულ საბუთებს დღეის რიცხვიდან გაუქმებულათ ვაცხადებ. ისაკ შაბათას ძე რიუინაშვილი. 2-1

საშინაული გიუროპრესიფი

მკითხველო! გთხოვ წაიკითხო გაზ. „ჩვენი ქვეყნის“ 15 ნოემბრის ნუმერში „მაყურებლის“ წერილი. უთიოდ წაიკითხავთ, თუ გნებავსთ დარწმუნდეთ, რომ საქართველოში დღეს უკიდურესი პიუროკრატისმია გამეფებული. გელათის მონასტრისთვის ჩამოურთმევიათ ტყე. მონასტრმა ი ხოვა

ნებართვა, მოეჭრა შეშა სახმოროდ. მარკები მოსთხოვეს. წარუდგინეს მარკები. მაგრამ პასუხს მიღებეს არა ვწველა რა. მიჰპართეს დეკეშით სამინისტროს. პასუხი თუმცა დაგვიანებული — იყო: მონასტრმა ნახევარი ბაგი გადინადოს და, თუ ტყე არ წახლება, შეშის მოჭრის უფლება მიეცესო. საქრო შეიქნა ადგილობრივი ტყის მცველის მოწმობა, რომ ტყე არ გაფუჭდებოდა. დაითანხმეს ტყის მცველიც. მაგრამ საქვე უფროსმა ტყის მცველმა დააბრკოლა: განუცხადა მთავრობას: შეშის მოჭრა, ვიღრე ტყე არ დაიბეჭდება არ შეიძლებაო. ტყე კი არ იბეჭდება და მონასტერი უშეშოდ რჩება. ამგვარივე წამება გამოიარა ქუთაისის თვითმართველობამ, თუმცა შეშა მაინც ვერ იშოვა. მაშ ქუთაისის მცხოვრებნი და გელათის მონასტრის მოსამსახურენი

დღისური

- პოლონეთში საალფო წესები გამოცხადდა.
- ამერიკის მთავრობა ბოლშევიზმს სასტიკად ებრძვის. დააპატიმრეს 400 ავტიტორი.
- გერმანიაში ლითონზე მომუშავეთა გაფიცვა დამთავრდა.
- ბოლშევიკების ცნობით პარიზში არეულობა ხდება.
- ამერიკა მოითხოვს რომ რუსეთის საკითხი კონფერენციაზე არ იყოს განხილული.
- რევოლუციის წლის თავზედ შეიდეგანმა დიდი სიტყვა წარმოსთქვა.
- ასტრახანის მიმართულებით მოხალისეებმა ბოლშევიკებს ტარეკნოსაკენ დაახვედეს.
- ბრიანის მიმართულებით მოხალისეებმა ქალაქ დიმიტრიევი აიღეს.
- ვორონეჟის მიმართულებით დონის ჯარი უტევს.
- მოხალისეებმა კურლაკი აიღეს.
- ვოლგის მიმართულებით ბოლშევიკებმა დასტოვეს პრიზიბი.
- კონოტოპოლსკის მიმართულებით ბოლშევიკებმა კროლოვეცი აიღეს.
- ბოლშევიკები იამბურგს მიუახლოვდნენ.
- ომსკის და ჟიტომირის მიმართულებით ბოლშევიკები უტევან.
- ესტონია ლატვია და ლიტვა ბოლშევიკებთან მოლაპარაკებას მართავენ.
- ამერიკელები დეკემბრის დამლევს დასტოვებენ საფრანგეთს.
- გურიაში აჯანყებს სრული ლიკვიდაცია მოხდა.

სიცივით უნდა ამოწყდენ იმისდა მიუხედავად, რომ ტყეებით გარშემორტყმული არიან!

ქუთაისის თვითმართველობა ჯერ მომარაგების კომიტეტთან გააგზავნეს: მომარაგების კომიტეტმა მიუღისა ტყიბულის ტყე, რომელშიაც შეშის მოჭრა არ მოხერხდა. შემდეგ მიუთითეს აჯანყებულნი, ბოლოს ნატანებზე.

დასასრულ რკინისგზამ ვაკონები ისე ძვირად დაფასა, რომ თვითმართველობამ შეშის მოტანა ვეღარ გაბედა.

და დავრჩით უშეშოდ ტყეების ქვეყანაში!

არა მგონია, ასეთი საშინელი ბიუროკრატიაში სადმე სუფევდეს.

გვახსოვს, როგორი დაბრკოლება გადაეღობა წინ ქუთაისისავე თვითმართველობას სიმინდის შემოზრდის საქმეში.

ნუ თუ წელსაც ასე იქნება?!

ნუ თუ ბიუროკრატიაში სხვერპლი უნდა შევიქნეთ?

ჩემი ფიქრით, საჭიროა დღესვე იქნეს განხორციელებული შემდეგი ზომები:

- 1) საერობოსა და საქალაქო თვითმართველობას, წვრილთა თუ მსხვილთ, მთავრობის ცენტრალური და წესებულებანი სწრაფად უნდა გამოეხალოს;
- 2) ხსენებულ თვითმართველობათ დიდი შედეგათი უნდა ჰქონდესთ მიწიქებულნი: უნდა ჰქონდესთ უფლება შეიძინონ სურსათი თუ შეშა, სადაც მოინდომებენ;
- 3) უნდა დაეაღონ რკინის გზას, ერთისამად გაიხალოს თვითმართველობათა მიერ სურსათისა და შეშის გადაზიდვა;
- 4) ცენტრალური დაწესებულებანი

ნი მოვალე უნდა იყვნენ მიწოდონ იათად სურსათი და შეშა თავის მოსამსახურეებს.

5) ამგვარი პრივილეგია უნდა მიეცეს სასულიერო უწყებასაც. ნუ ჩავიხრჩობით ბიუროკრატიაში მორევში!

მეტი თავდარიგანობა და საქმიანობა საჭირო!

ნესტარი

გამოხდ. ლეგას კარგია!

ბურჟუაზიულ წესობილებასი სოციალისტურ მიმართულებას დიდი გასავალი ქონდა ბურჟუაზიის წინააღმდეგ სოციალისტებს ქადაგება ძლიერ ემარჯვებოდათ, მართლა ბევრი ქონდათ, ოპოზიციაში დგომა ხელს უწყობდათ და ამგვარათ ნიადაგი მოიპოვეს. რევოლუცია ხომ სოციალისტებ სათვის ნანატრი ასპირეზია და იმაზე უკეთეს. შექაზებვას ხომ აზრითაც ვერ წარმოიდგენენ, არა თუ თვალთ იხილვენ. ამიტომაც ბურჟუაზიულ ხანაში ფეხმოდგმული რევოლუციის დროს სულ ადვილათ გავრცელდა და უპარატელობაც მიიღო სოციალისტურმა მიმართულებაც და მისმა მოციქულებმაც.

მართლაც მოხდა ის, რაც მოსალოდნელი იყო.

რევოლუციამ სოციალისტებს ჩააბარა სახელმწიფოს მართვა გამგობაც და ხალხის ავკარგიც. ორი წლის სინამდვილე უკვე ნათლათ გვიჩვენებს, რაც ყოფილა სოციალისტური სულიკვეთება და ამ მიმართულებებზე საზოგადო საქმის აგება მოლაგება. ყველაფერი გადაკეთდა, ყველაფერი შეიცვალა, ყველაფერი განახლდა, გადახალისდა, სხვა სახით ჩამოყალიბდა, მაგრამ ყველა

ფერი ეს ლანდი და მოჩვენება შეიქნა.

ცხოვრებამ სოციალისტური არაფერი არ მიიღო. ცხოვრებამ ყოველი სოციალისტური ნაბიჯი დაგმოდა და დაამარცხა. ცხოვრების სინამდვილემ ყველაფერს სოციალისტურს ელფერი დაუკარგა და უშინაარსოთ დასტოვა.

სინამდვილე სოციალისტები ოპოზიციაში იყვნენ-მათ ნიადაგი ქონდთ, მასალა. ხელთ, ეპყრათ იმედი ახალისებდათ, სიმპატია ემატებოდათ და ნდობა თანდათან ჩნდებოდა.

მაგრამ როცა პოზიციაში ჩაღვინ, სხვის ალაგზე დასხდნენ; სხვისი საქმე იკარგეს, მუშაობა დაიწყეს და ერთი სიტყვით სახელმწიფოს საქმე ხელში აიღეს და მართვა გამგობის ჩარხი დაატრიალეს, ყველაფერი შეიცვალა, პროგრამაც განიავდა და სიტყვებიც გაიფანტა.

სოციალისტები გაქრა, სოციალისტები კი დარჩნენ.

სოციალისტები მუშაობენ. მაგრამ სოციალისტურს კი ვგრას აკეთებენ.

მოხდა ის, რაც მათი აზრით არ უნდა მომხდარიყო.

შეუთანხმდნენ იმას, რის წინააღმდეგაც იყვნენ.

აი ეს არის ცხოვრების სინამდვილე; აი ასეთია ძლიერამოსილი ხმა ცხოვრების აუცილებლობისა. სიტყვებს საქმე ასწორებს, თეორიას პრაქტიკა ამოწმებს. გამოცდილება ყველას სწორ გზაზე აყენებს...

მართალია ორმა წელმა მწარე წუთები გავვაცდევია, მართალია ჯერ კიდევ განსაცდელში ვართ და სიფათს არ ავცდენივართ, მართალია ჯერ კიდევ თვალწინ ბნელი უფსკრული გვიდგია, მაგრამ ის, რაც გამოვცადეთ აუცილებელი იყო, ის რაც თვალთ ვნახეთ და გულით გვირძვინეთ საჭირო იყო მისთვის, რომ ყველას დაფასება შეძლებოდეს, მეტი თვითგამორკვევა შეეძინოს და მომავალში მეტი წინდახედულობა ქონოდეს.

მართალია ხალხსაც ბევრი გაუჭირდა, ხალხიც მოტყუვდა, მაგრამ გამოცდილება იმასაც სჭირდება, სიფრთხილე თუ უწინაც ქონდა, დღეს კიდევ მოემატება. ესეც სარგებლობა და კარგი მომავლის თავლები, ვინ არ იცის, რომ მწარე შრომა ტკბილ ნაყოფს იძლევა.

განა ცოტა რამ მოგვცა გამოცდილებამ? განა სხვა გზით შეიძლებოდა სოციალისტების გამტყუნება თუ არა მით რაც მოხდა?

ის რაც მოხდა ყველასთვის საქარო იყო; თვით სოციალისტებმა საგულისხმო გაკვეთილი მიიღეს. იმათმა მოსმინეს საუკეთესო მასწავლებლის დარიგება. — ეს მასწავლებელი ცხოვრებაა.

სოციალისტური მოძრაობა სახელდახელო საშუალებაა რევოლუციის მოსახდენათ. სოციალისტური მოძრაობით უფრო ადვილია ამა თუ

იმ წესწყობილობის დაშლა, ვანგრევა, მაგრამ წესწყობილობის დამყარება და რჩენა. სახელმწიფოებრივ ორგანიზაციის აღმშენებლობითი მუშაობა სოციალისტური გეგმით ყოველად შეუძლებელია. ეს ბევრჯერ თქმულა, და ბევრგან დასაბუთებულა, მაგრამ ერთი ჯურის ხალხს მაინც არა სჯეროდა და მათ ბევრი გაუგებელი მიტომ ემხრობოდა, რომ საწინააღმდეგო მაგალითი ვერ წარმოედგინა.

დღეს კი სხვა სურათია.

დღეს უფრო ადვილათ დარწმუნდებიან, რომ სოციალისტური პროგრამა სახელმწიფოს მოწყობა, მართვა გამგეობაში სუსტი და მიუღებელია.

დღეს უფრო ცხადია, რომ პროფესიონალური კაკშირების მართვა გამგეობაში ჩარევა სახელმწიფოს საქმეს აფუტებს; რვა საათის მუშაობა ყოველ დღეში არ გამოდგება და ძალით მისი დაკანონება გამოიწვევს წარშობების დაქვეითებას და სიღარიბეს; ლმობიერი ზომები ავახაკთა და მოლაღატეა წინააღმდეგ არ კმარა; სახელმწიფოს მართვა გამგეობაში პარტიული თვალსაზრისი მაწინებელია; სახელმწიფო სამსახურში პარტიული უპირატესობა დამამხობელია; ხალხის დაიმედება და მისი აუსრულებლობა მეტათ სახიფათოა; სხვისი საქუთრების ადვილათ დარღვევა და ძალით ქონების განსაზოგადობა სულიერ ვანწყობილობას ახდენს და მთავრობას ავტორიტეტს უკარგავს; ყოველი უსამართლობა ხალხის თვალში მთავრობას სახელს უტეხს; მთავრობის მოხელის დაუდევრობა და სუსტი კონტროლი ხალხში უსამოვნებას ბადებს; ბევრის ჰიქმელი და ცოტას მკეთებელი, თუნდა სოციალისტიც იყოს, ხალხში ათვალისწინებული იქნება; სიტყვით სოციალისტი და საქმით ბურჟუაზიაში ზიზღს იწვევს; გაბურჟუებული სოციალისტი მოძღვრებას სახელს უტეხს და მართვა გამგეობაში ნდობას ვერ მოიპოვებს.


და ვინ იცის რამდენი რამე კიდევ დაგვანახა ამ ორმა წელიწადმა?...

გამოცდილებაც კარგია!

ტრიფონ ჯაფარიძე.

უპანასუნელი სმოგვი
მდგომარეობა გურიაში
(საქ. დეპუტ. სააგენტი).

ოზურგეთიდან იტყობინებინ, 10 ნოემბრის თარიღით. დღის 9 საათამდე, მთელს გურიაში წესაერება აღდგენილი იყო. მიუხედავად ამისა დღის 9 საათზე მთელი შეიარაღებული მცხოვრებნი, მილიციის და გვარდიის მეთაურობით, დაიძრნ ოზურგეთიდან ლიხაურის, ახალსოფელს და ჯუმათისაკენ, რომელნიც ითვლებიან ბოლშევიკური ბანდების ბუდეთ და ახლო მახლო ტყეებისაკენ, სადაც მათი აზრით უნდა იმალებოდნენ ბანდიტები. მცხოვრებლები დაქინებით მოითხოვენ ბოლშევიკთა ბუდეების დანგრევას, რათა



ამით საბოლოოდ აღმოიფხვრას ბანდიტების გამოსვლის შესაძლებლობა ამ ამბოხებამ ზედმეტად დაამტკიცა გურიის ხალხის ერთგული თავდადება დემოკრატიული რესპუბლიკისათვის. ეს აჯანყება ჩააქრო ხალხმა იარაღით ხელში ადგილობრივ მთავრობის მეთაურობით.

სასაღდათო პირების სამსახურში მიღების გამო.

რესპუბლიკის ყველა დაწესებულებებს სასტიკად აღეკრძალათ სამსახურში მიიღონ ის პირები, რომლებიც არ წარმოადგენენ სამხედრო ბეგრადინ თავსუფლობის მოწმობას.

ახალი საშინისტრო.

ამ დღეებში დაარსდება შრომისა და მომარაგების სამინისტრო, რომლის ხელმძღვანელს მთავრობის თავმჯდომარე დანიშნავს.

გადასახლება. ზურაბოვი და ფირფრევი შინაგან საქმეთა მინისტრის განკარგულებით გადასახლებულ იქნებიან რესპუბლიკის საზღვრებიდან. ისინი დახურულ გაზეთის „სოციალ დემოკრატის“ თანამშრომლები იყვნენ.

მთავრობამ დაადგინა — ოზურგეთის სამხარო ერობას სესხათ მიეცეს 7 წლის ვადით 3 მილიონი მანეთი ხე პროცენტის სარგებლით გურიის ტყის დასამუშავებლად დანაშანების (6) ტყის ქარხნის შესაძენად. სესხის გადახდა აღნიშნულ ქარხნის დაგრაგვებით იქნება უზრუნველყოფილი.

„კერენების გაუქმება“.

აზერბეიჯანის მთავრობის განკარგულებით ყველა სახელმწიფო დაწესებულებებში აღიკრძალა 40 მ. და 20 მ. კერენების მიღება.

რკინის გზის მიმოსვლა ერთგან თავრიზ შორის.

ამ მოკლე ხანში გაიმართება თავრიზ ერთგან შუა რკინისგზით მიმოსვლა.

გენ ნ ბარათოვის მდგომარეობა.

გენ. ნ. ბარათოვი უვნებლად გადიტანა რეამბუტაცია, რომელიც გაუკეთა ინგლისელ ექიმმა ბრაუნმა ექიმ ფროლოვის მონაწილეობით ბათუმის ლაზარეთში. საზოგადოებრივი ჯანმრთელობის მდგომარეობა დამაკარგოვებელია.

სომხეთ საქართველოს ხელშეკრულების რატიფიკაცია

გიორგობისთვის 14-ის სხდომაზე, სომხეთის პარლამენტმა ერთხმად მიიღო სომხეთ — საქართველოს მიერ გიორგობისთვის 3-ს დადებული ხელშეკრულება. ყველა ფრაქციათა ორატორები დიდ აღფრთოვანებით აღნიშნავენ ხელშეკრულების დადებით მნიშვნელობას.

გერმანია

(საქ. დებუთა სააგენტო) შეიდეგანი რევოლიუციის წლისთავისთვის.

რევოლიუციის წლის თავზე, დინ. 9, შეიდეგანმა სიტყვა წარმოსთქვა

ურიცხვი ხალხის წინაშე. შეიდეგანის აზრით გერმანიის რევოლიუცია დაიწყო სტიქიურ და არა რომელიმე ძალის განზრახვით. ამის გამო სოც. დემოკრატიის ხელმძღვანელნი ფიხილად უნდა შეჰპყვეროდნენ ფაქტს და მზათ უნდა ყოფილიყვნენ ყოველ შემთხვევისათვის, რათა სტიქიურ ნოდრობისათვის მიეცათ გარკვეული გზა და მიზანი. ისინი ეგრეც მოიქცნენ. შეიდეგანი შეეხო აგრედვე განხეთქილებას სოც. დემოკრატთა შორის და განაცხადა, რომ საფრთხე მარჯვენა მხრიდან უფრო სერიოზულია, ვიდრე მარცხნიდან, მაგრამ ისიც საპნის ბუტივით გაჰქრება, უკეთუ გერმანიის დემოკრატია ერთსულოვნებას გამოიჩინოს. შეიდეგანი შეეხო აგრეთვე 1918 ნოემბერის კრიტიკულ დღეებს და განაცხადა: „9 ნოემბერს მე და ებერთმა ხელი გაუწოდეთ დიტ მანსა და ფოტჰერს, ჩვენ შორის თითქმის მიღწეული იყო შეთანხმება, როცა ოთახში ლიდებური შემოვიდა. როდესაც ის ჩამოვრია მოლაპარაკებაში, სწორედ მაშინ გამოირკვა მათი ჩვენდამი მტრული განწყობილება და მაშინ დაიწყო ჩვენს წინააღმდეგ ლიბავშებტის გამოსვლა. სადამოს ჩვენ მათთან გვექონდა კვლავ ცხარე კამათი და მოლაპარაკება და აი სწორეთ მაშინ წარმოგვიდგინეს მათ განსაცვიფრებელი მთავრობა სადაც ყოველივე ძალა უფლებდა პროლეტარიატის ხელში გადავიდოდა. ერთად ერთი კაცი, რომელსაც ჩვენთვის დამარბის აღმოჩენა შეეძლო ჰააზე იყო, რომელიც სსიკვდილო სარეცელზე წევს მაგრამ ის იმ ჟამად არ აღიჩნდა დამოუკიდებელთა შორის.“

აქვე სადამოს ცხარე სიტყვა წარმოსთქვა შეიდეგანის შეურიგებელმა მოწინააღმდეგემ ლედებურმა, ის თავს იმარტებდა ბრალდებისაგან, რომ მას გამოებარა რევოლიუცია, რაზედაც ლედებურმა განაცხადა: მე იმ დროს სამკითხველოში შევტრე ჩი წიგნის კიახვასო. შემდეგში ლედებურმა ისარგებლა ჰომო ჰააზეს დაქერიით და თუმცა აშკარა იყო ჰააზე ზე თავდასხმის მიზანი, მაგრამ მაინც სცადა ექვი სხვა მხრივ გადაესროლა, მან განაცხადა: საკვირველია, რომ ჰააზე რეხსტაგის წინ დასჭრეს სწორედ იმ დროს, როცა მას მთავრობის საწინააღმდეგო სიტყვა უნდა წარმოეთქვა.

მფრინავი ფოსტა. გაიხსნა მფრინავი ფოსტის მიმოსვლა ბერლინსა და რვა დიდ ქალაქთა შორის გერმანიაში.

გერმანიის დელეგატები მუშათა კონფერენციაზე

გერმანიის დელეგატები მუშათა კონფერენციაზე დაუშვეს. მაგრამ გერმანიის დელეგატები მატარებლების მიმოსვლის შეწყვეტის გამო ჯერაც არ წასულან, და წასვლასაც ვერ შესძლებენ 21 ნოემბერზე აღრე.

(საქ.).

საფრანგეთი.

(საქ. დებ. სააგენტო) მანდელის კანდიდატურა.

კლემანსოს სეკრეტარმა მანდელმა თავისი კანდიდატურა წამოაყენა საფრანგეთის პალატის დებუტატობაზე მომავალ არჩევნებში. ბორდოში სიტყვის წარმოსთქმის დროს მან ზოგიერთი რამ გაამჟღავნა. კლემანსო მართალია არ იღებს მონაწილეობას არჩევნებში, მაგრამ მას იმედი და სურვილი აქვს მთავრობის თავმჯდომარედ დარჩენისა. კლემანსოს სურდა კონფერენციის სხდომები ღია ყოფილიყო, მაგრამ ვილსონი წინააღმდეგა ამ განზრახვას და ვილსონმა ლოიდ ჯორჯიც აიყოლია. მანდელის სიტყვით, პანლევეს, მისი კაბინეტის დაცემის დროს განზრახული ჰქონდა გერმანიასთან შეთანხმება და ამავე მიზნით ბრიანი ავსტრიას უნდა მოლაპარაკებოდა.

(საქ)

ახალი ამბავი მუთაისი.

გაზ. „ჩვენი ქვეყნის“ კანტორი დგან. გაზ. „ჩვენ ქვეყნის“ რედაქცია უმორჩილესად სთხოვს ხელის მომწერლებს გამოგზავნონ გაზეთის ფული რადგან გაზეთის გამოცემა დიდ ხარჯებს მოითხოვ, რედაქცია იმულებული იქნება გაზეთის გაგზავნა შეუწყვეტოს იმ პირთ რომლებიც ანგარიშებს არ გაასწორებენ.

გაზ. „ჩვენი ქვეყნის“ რედაქციისგან. გვექონდა გამოცდილი ხორონიკორი, პირობების გასაგებად მიმართეთ, ჩვენი ქვეყნის“ რედაქციას.

„ჩვენი ქვეყნის“ კორესპონდენტებს რედაქცია სთხოვს კორესპონდენტებს სისტემატიურად მიაწოდონ კორესპონდენტები, წინააღმდეგ შემთხვევაში გაზეთის გზავნა შეუწყდებათ.

მადლობის გამოცხადება. საწირის სამკითხველოს გამკეობა მადლობას უცხადებს აპოლო ფირხიძეს, რომელმაც სამკითხველოს შესწირა გაზეთის ჩარჩოება, 250 მ. ლირებული.

ანტისანიტარობა. ქალაქის თვითმართველობის სანიტარის მეთვალყურეებმა ოქები შეუწყენეს სიბინძურისთვის. ფერმის ქუჩაზე მცხოვრებთ: 1) მეფურნე დიოგენ ასლანიდის, რომელსაც ბინძურათ ქონდა ის ოთახი რომელშიდაც ის ქბილს ზელს.

ქვირვი ნიფადორე ჩოგოვადისას, 3) აკაკი ტყავაძეს ეზოს სიბინძურისთვის 4) მლ. ნესტორ გვენცაძეს, 5) მრხეილ ბლიუმზას და 6) ბიქტორ ელიგაროვს.

ქალაქის გამგეობის წევრი საყვარელიძე თბილისში გაეჭზავრა სურსათის შესაძენად.

სიმინდის ფასი. სიღნაღიდან ქუთაისის ერობას ატყობინებენ რომ იქ ფუთი სიმინდი ხუთი თუმნიდან იქვეიდ თუმნამდე ფასობს.

სტატისტიკურ კურსებზე ქუთაისის სამხარო ერობის გამგეობამ სტატისტიკურ კურსებზე გაგზავნა ლეონტი გიორგობიანი და ილიქსანდრე შავერდაშვილი.

ცეცხლი. 11 ნოემბერს ცეცხლის გაუფრთხილებლობის გამო დაიწვა სოფელ წყალტუბოში მცხოვრებ ვარლამ ირ. იოსელიანის სახლი.

ბოროტმოქმედების აღმოჩენა. წასულ კვირაში გაცარცვეს ბალახვანის ქუჩაზე სახამბერიძის საფაქრო და შოთა რუსთაველის სახელობის სამკითხველო. მილიციამ ბოროტმოქმედები აღმოაჩინა ვინმე კაპახიძე და მახარაძე. რომლებსაც ხელუხლებლათ აღმოაჩნდათ წადებული ნივთები.

ქველი ქართული გალობის აღდგენა.

ამ ჩვენი პოლიტიკურათ აღდგომისა და კულტურულათ აღორძინების ხანაში უმეკველათ დიდი ყურადღება უნდა მიექცეს ქართული გალობის აღდგენის საქმესაც, მოგესხენებთ, რომ ჩვენს დევნისა და მონობის დროს ქართული გალობა უაღრესათ დევნილი და განდევნილი იყო ჩვენს ეკლესიებიდან. ჩვენდა სასიოცხოთა და საკდემელათ უნდა ითქვას, რომ თვით ჩვენ უგულებელს ვყოფდით მის. კრელი წირვა ჩვეულებრივ მოვლენათ იქცა ჩვენში — და არ იქნა დღემდე ვერ გათავისუფლდით ამ დუხქირი მოვლენისაგან, მართალია, სლოვენურ ასამაღლებელს ადგილი აღარა აქვს ჩვენს ეკლესიაში, მაგრამ ეს შერეული გალობა, კახურ — სლოვენურ — რუსულ — იმერულ და ვინ იცის კიდევ საი და ნადმოტანილი კილოებით შეზავებული ქართველი ადამიანისა და ისიც მორწმუნე ადამიანის სმენასა და რწმუნეს უაღრესათ შეურაცხყოფს — ვისაც ჩვენი ძველი გალობა მოუსმენია მკოლნე მგალობელთაგან ნათქვამი, ის მის შეკეთებასა და შეზაინკებას, როგორც ამას ახლა შვრგბიან ვერასოდეს შეურიგდება! რა სათქმელია, ან რა მისაღები ამ ჩვენი შეტად მლიდრული, ფრიად კეთილშოვანისა და ღრმად სარწმუნოებრივ შინაარსიანი გალობის შელესვა?! ჩვენს ძველებს, რომელთაც გასაოცარი სახუროთმოდგრო ხელოვნების ძველები აუგიათ, მდიდარი ლიტერატურა შეუქმნიათ და ქართული ენის ღიაღობა უმწვერვალესობამდი აუყვანიათ, იმავე დროს შესანიშნავი გალობაც შეუშუშავებით და ჩვენთვის უანდერძებიათ. ვაი ჩვენ, რომ ამ განძით ვერ ვსარგებლობთ!.. მაგრამ, მადლობა ღმერთს, — თათო — ოროლოა გულშემატკივარი კიდევ ყოლია ამ ჩვენს ეროვნულს საუნჯეს, და ესენი ცთილობენ მთელი სიმშვენიერ ძველის ქართული გალობისა აღადგინონ და ქვეყანას დაახავონ, თუ რის პატრო-

წნი ვყოფილვართ ჩვენ! მ. პლატონ
 ცქიტაშილი უკვე შესდგომია ამ
 საქმეს, მოუწვევია მსურველნი და
 ყოველ საღამოს მთავარ-ანგელოზის
 ეკლესიის სამრეკლოს ქვეშ გაისმის
 ძველი საღმრთო ლაღებია! აბა შე-
 იარეთ და დაუგდეთ ყური როგო-
 რის გულმოდგინებით, გატაცებით,
 სიყვარულითა და საქმის ღრმა შეგ-
 ნებით ასრულებენ ესენი თავის სა-
 ქმეს!.. აქ მ. პლატონის გვერდიან
 სულ ერის კაცები შემოკრებილან
 და ესენი არიან ჩვენი ხალხის შეურ-
 ყენელი და რწმენა—შეუღახველი
 შეილები: შრომობენ, იღვწიან ეს
 ჩვენი მუშაკნი, ემსახურებიან დიდს
 ჭროფულ საქმეს, შეუკრებიან უძვე-
 ლესი საგალობლები—ტროპარ—კო-
 ნდაკები, იამბიკოები და სხვა მრავ-
 აღი, სწავლობენ მათ გატაცებით,
 ღრმა სიყვარულითა და შეგნებით.
 თვითოეულის მათგანის სახეზე ღრმა
 სულიერი კმაყოფილების ბეჭედი
 აღნიშნული!.. მაგრამ ეს არკმარა!..
 მ. პლატონი და მისი გუნდი ყოველ
 საღამოს იკრიბებიან და იღვწიან,
 ჩვენ რას ვაკეთებთ ამ შემთხვევაში?
 რით ვებმარებით ამ საშვილიშვილო
 საქმეს? არის ჩვენის მხრით დახმარება,
 გამხმარება და წაქეზება ან
 სიტყვით, ან საქმით? ღრმად დარ-
 წმუნებული ვარ, რომ ჩვენი საზოგადოება
 პირველ მოწოდებისათნავე ამ საშვილიშვილოსა
 და დიდს ეროვნულ საქმეს დახმარების ხელს
 გაუწოდებს. ჩვენი წინაპრები ამ ხმებით
 უგალობდნ ზენაარსს, ამითვე შეი-
 მსუბუქებდნ ქირსა და მოიღონდნ ღონისს,
 აქ პპობდნ დიდ სულიერს კმაყოფილებასა
 და აღიქურვოდნ უმაღლესი სულიერი განცდითა
 და ენერჯიით;—ჩვენ ისღა დაგვრჩენია,
 რომ ზნეობრივ-მატერიალურ დახმარებას
 ნუ მოვაკლებთ ამ ჩუმ მუშაკთ
 და ამ დიდ ეროვნულ საქმეში ჩვენი
 წვლილიც შევიტანოთ.

ერის კაცი:

პატარა ფელეტონი

(პოეტი ივანე მუშა).

(დასასრული იხ. „ჩვენს ქვეყანა“ № 203.)

დღემდის ასრე ვანგარიშობდი:
 მენ შევიკებმა გაგვაკოტრეს, ბოლშე-
 ვიკები სულ გავსწყვეტენ, რუსი
 რომ მობრუნდეს, სულ ერთიანათ
 მოგვსპობს, ინგლისი სულს ამოგ-
 ვახთენს ეკონომიურათ, და არსაიდან
 არ სჩანდა საშველი.
 მეტი ხიფათი ჩვენ მოგველის ეგ-
 რობილეებისაგან, მაგრამ როდესაც
 ივანე მით გაოცებს თავისი ჭაბით,
 მაშინ იტყვიან: „რა გაუმადრები
 ყოფილან ქართველები! ამან მაგათ-
 თან ერთობისაგანა“ და შევიქნებით
 „დამოუკიდებელი“.
 დრო არის გავეცნოთ ივანეს ლე-
 ქებს.
 ნეტავ გათავდეს ბარემლა
 ჩვენი ქვეყნისა არევა,
 ანაღ ფულს არ აქვს ფაიდა,

ძველი რაც იყო წავიდა.
 პური ფურნეში გაგვიწყვა,
 ქადი ასვრილი ტინტულია,
 შიმშილით გადაშენებას
 ბევრი აღარა გვიკლია.
 ამისთვის ივანეს დასჯიან, ვითარ-
 ცა ურჩს რეაქციონერს და იმ დე-
 კრეტის, რომელიც ბრძანებს.
 „მოთმინებით, მოთმინებით!
 „გასოციალისტებით
 „და კარგად შეიქნებით!“
 პატონებო! ხედავ ივანე, რომ
 ვისიც კი შეიძლება და გასოცია-
 ლისტება, ისინი უკვე გასოციალის-
 ტდენ და გათავდა.
 ივანი მთავრობას შეაღვენენ და
 არც არასფერი აწუხებს მათ.
 ივანე ხალხის გულის კენესის ვა-
 მომხატველია.
 რა ყრია ამ სოციალისტობაში,
 თუ ხალხი ერთი მეორეს მტრობით
 გასწყვეტს ან შიმშილით გასწყდე-
 ბა! ზოგორც გერცენი მოგვითხრობს,
 იყო გამომძიებელთან წარმოებაში
 ერთი დაუთავრებელი საქმე: „О
 перечисленіи крестьянско-
 го мальчика Василія въ жен-
 ской полъ“.
 ამის მზავსი იქნება ქართველ-
 ბის გადარიცხვა სოციალისტებში.
 მოგახსენებთ „ნამდვილი“ სო-
 ციალისტობას, თორემ მუქთა მქამე-
 ლობის სოციალისტობა ხომ წინე-
 თაც იყო.
 ივანეს პირით ხალხი სჩივა:
 ხუთ მანეთს რით მივცემ ხაშში,
 შაურს რომ ვაძღვედი ჯამში!
 ვეღარ იშოვა მეხაშემ
 წინანდელ რიგზე ფაშფუშა,
 საყოველთაო სიძვირემ
 ხაშის საქმეცა ჩაფუშა.
 ხორცს დააწონეს თავფეხი,
 ყასპებს დაეცეს თავს მეხი!

არტალას ხორცათ გასყიდვა
 აბა ვის გაუგონია, —
 უსინიდისო მოვაქრე
 სწორეთ ნამდვილი ღორია.
 მე თქვენ გთხოვთ, არ ინებოთ ივა-
 ნეს გაკიცხვა რატომ ხაშს და
 არტალას ამსახურებს თავის ჩანგსო.
 წავიდა ის ჰსევდო კლასიკური
 ხანა, როცა პოეზია დიდი არისტო-
 კრატების გრძობებს ასურათებდა
 კეთილმშობლოურის მხრით და ხალხის
 წარმომადგენელი ყოველთვის სასა-
 ცინო როლში იყო.
 საზოგადოთ დემოკრატიზაცია ივა-
 ნესაც ნებას აძლევს თავის გულის
 ტკივილი გამოხატოს დემოკრატიუ-
 ლათ.
 თბილისში, „დვორეცში“ შეუძ-
 ლიათ მუხა ხიზილალას ამსახურონ,
 მაგრამ ხიზილალა აქ მოდის და
 სხვაგან არა, თითქო ჩვენ კი გვაწყე-
 მდეს.
 „ხუცეს მაძლარსაო დიაკონიც მა-
 ძლარი ეგონაო“.

გაიგონ დალოცვილებმა, რომ ჩვენ
 ხაშიც კი გვენატრება და რაჯიუტო-
 ბა არის საქართველოს გასოციალის-
 ტება, როცა ჯერ ჩვენზე მეტი და
 გარდამეტი განათლების ხალხი არ
 გასოციალისტებულა.
 აღარ არის შეპრალეობა და კდე-
 ვაც ამიტომ ივანე სწყის და შეფო-
 თავს:
 ნეტავი მდიდარი ვიყო,
 ლარობს კი უგდებდი ყურსა
 დღეს, რომ შეპრალეობა გაქრა,
 ღმერთმა ნუ ქნას ისე ნურსა.
 ვისაც დასვამ ზემოს თავში,
 თურმე ის გაბატონდება,
 ვინც მას უდგა წინეთ მხარში,
 ის კი აღარ აგონდება.
 ვინც, რომ ავიდა მაღალზე,
 სულ კული გასდვა ყავარზე.—
 ხალხი დარჩა მშიერ შიშველი
 და არავინ ყავსთ იმას მიმშვე-
 ლი.
 სინამდვილე ჩვენი ეხლანდელი
 მდგომარეობის სწორეთ შიმშილი და
 სიშინველია, ამიტომ ივანეს მოაგო-
 ნდება დენიკინი:
 ამბობენ, რომ დენიკინი
 მალე აიღებს მოსკოვსო,
 და მოკლე ხანში ერთბაშათ
 ბოლშევიკებსა მოსპობსო.
 თუ ეს გამოდგა მართალი,
 მაშინ მოგვივა ბევრი ფართა-
 ლი.
 თუ ივანე მუშა პოეტი ხალხის
 გრძობების გამომხატველია, დაიჯე
 რეთ, რომ ხალხს მისი გამარჯვება
 უნდა ვინც მოუვლის მას.
 მაგრამ ივანე ქართველი კაცია და
 ძორის ნებიერობისათვის სამშობ-
 ლოს ვერ უღალატებს.
 უფიქრდება ივანე შედეგს დენი-
 კინის გამარჯვებისას და ფიქრობს,
 რომ, სამშობლოს ხიფათი მოელის,
 ამიტომ სულ ქვას და ლოდს აყრის
 დენიკინს:
 ამბობენ, რომ დენიკინი ემზადე-
 ბა,
 შემდეგ ჩვენკენ ემგზავრება.
 უჯობს, რომ ხელი აიღოს
 თფალისსა და ქუთაისზე,
 თორემ ამოუძებენ
 შეაჯენენ კულა ვირზე.
 ჩვენი ყველას ეშინია,
 ამერიკას და თვით ინგლისს, —
 მათი ჯარი დღეს, რომ მოვა,
 ხვალ ხედავ და უკარ პირბის.
 ივანეს არც დენიკინის ეშინია,
 არც ამერიკა და ვერობის, რადგან
 იცის, რომ ივანი აქ ფებს ვერ მო-
 იკიდებენ.
 თუ არ იცის, ასეთ რწამს მიანც
 და ეს რწმენა მისი მამულის სიყვა-
 რულზე არის დამყარებული.
 მტრებთა რიცხვში ივანეს სომხები
 მოაგონდება.
 ივანე ხალხიდან არის, პოლიტი-
 კის არა ესმის რა და პირადათ სომ-
 ხებთან შური და მტრობა არა აქვს.

უკვირს ივანეს სომხების მტრობა:
 ამ სომხებს კი რადა უნდა,
 ჩვენი საქმეში რა თანაურნი
 ივარდნ და ყოველი გუნდია
 თორემ გავგვიჩინდნ, წავიდნ,
 ზურგში მოიკლან გულა.
 შედის თანდათან ივანე პატრონ-
 ტულ ექსტრემში და უქადის ცის რის-
 ხვას, ვინც მისი მამული არ იქნე-
 ბა:
 დავით-კონსტანტინემ რისხოს,
 გაუწყურესთ მათი მადლია.
 თუ სამშობლოს არ შეწირონ,
 ვისაც კი რამ აბადია!
 კუჭის ნიადავზე წარმოშობილი
 სოციალიზმი ისთე შორს არის პატ-
 რიოტულ მალალ გრძობებზე, რომ-
 გორც მიწა ზევსათან.
 ქართველმა ხალხმა დავით და კო-
 ნსტანტინე წმიდანებათ მიტომ იწა-
 მეს, რომ ამ თავაღებმა სამშობლოს
 თავი შესწირეს.
 ივანე დარწმუნებულია, რომ ნოე
 ყორდანიამ სამშობლოს იცავს, ამი-
 ტომ ლექსს ასე ათავებს:
 ვინც სამშობლოს არ ივიწყებს,
 ის ღმერთთან დიდს ხანს აცოც-
 ხლოს,
 და ვინც სამშობლოს ივიწყებს,
 ის ყველა ერთათ დასცოცხოს!
 დღეგრძელობა ჩვენს მეთაურს,
 ჩვენსა ნოე ყორდანისა,
 ქირი ღმერთმა ააშროს,
 გაატანოს ქარს და ნიაგს!
 P. S მართალი მოგახსენოთ,
 რომ ივანეს გაცნობის შემდეგ მეც
 მომხრე ვარ მისი, რომ კი შეუძლია
 ნაყოფიერი სამსახური დაწესებულე-
 ბებში ისეთს პირს, რომელმაც წერა-
 კითხვა არ იცის, ესე იგი: უნამუსო
 ნასწავლს ნამუსიანი უსწავლედი
 სჯობია.
 ივანე რამდენ ჩაფს წყალს მოი-
 ტანს, იმოდენს ნახშირით ხაშს ჩამო-
 უსვამს, კედლები კი დასვარა, მაგ-
 რამ ანგარიში სწორი აქვს: არც
 თავს იტყუებს, არც მუშტარს ატ-
 ყუებს.
 მიიწვიეთ ივანე სამსახურში და
 იხსნით რესპუბლიკას ზარალისაგან,
 ნასწავლ მოხელეებს თავსლაფ დასხ-
 მისაგან.
 ივანეს ესეც გაღეჟილი აქვს:
 ვისაც რამე ჩაებაბრეთ,
 ანგარიში აღარ გვითხრა;
 დახლში ფული ჩავალაგეთ,
 ამოგვიხტნა ნაცვლათ ვირთხა.
 სწორეთ სხვა რიგი დრო დადგა
 ჰოი, შალამ და გიდაი,
 სხვისი ქონების გაბნევა,
 ყველას ფეხებზე კილია!
 კალლისტრატე ჩიკვაიძე.

რედაქტორი — ხარედაქციო კოლეგია.

იუიდება 1 „სტეტიკი“ და სხვა და სხვა ავეჯეულობა მისამართი: თბილისის ქუჩა დ. აბდუშელიშვილის სახლი. 2-1.